

Jodix 130 mg

Jodtablehta atomsårme diehti

La gus dán nuorap gå 40 jage vuoras, iesselissan, njamádime jali li gus dujna máná gudi sijdan árru? De alodip dujna bierriji liehket jodtablehta sijdan. Tablehta máhtti suoddjit radioaktijva joda vuosttij, ja dajt galggá dássju válldet oajválattjaj rádiij milta.

Manen galggá jodtablehtajt válldet?

Jus sjaddá atomsårme de soajttá radiodoajmme jod gilvveduvvá ájmo milta ja dæhppu galbbaráksáj (dároq. skjoldkjertelen) gå vuojnǵá nuoskodum ájmov ja/jali bárrá/juhká nuoskodum biebmajt ja juhkusav. Jodtablehta hieredi radiodoajmme jod dæhppomav galbbaráksán ja binnet risikov oadtjot bárrédávdav galbbaráksán. Jodtablehta dásski radiodoajmme joda vuosttij ja ij ietjá radiodoajmme stáffaj vuosttij.

Jus rádeduvvá tablehtajt válldet de dat álu dáhpáduvvá sæmme báttá gå oadtju diedov goade sinna liehket unnemusát 2 biejeve. Danen la ájnas jut dujna li tablehta sijdan.

Goassa galggi tablehta váldeduvvat

Tablehta galggi dássju váldeduvvat gå oajválattja dav rádedi. Jus sjaddá atomsårme, de ráde vatteduvvi medijaj, guoskavasj oajválattjaj ja www.dsa.no baktu.

Gudi galggi jodtablehtajt válldet?

Sierraláhkáj la ájnas jut máná ja nuora vuollel 18 jage, dán guhti la iesselissan jali njamádime dájtt tablehtajt váldá danen gå sijájn la stuorámus risiko oadtjot bárrédávdav galbbaráksán jus la radiodoajmme jod dæhppum. Állu sierralágásj dilijn soajttá aj állessjattuga gaskan 18 ja 40 jage galggi tablehtajt válldet, madi sij gudi li badjel 40 jage vuoras e vargga goassak bárrédávdav oattjo galbbaráksán, ja e dárbaaha jodtablehtajt válldet. Jus la ierit opererim galbbaráksáv de i dárbaaha jodtablehtajt válldet.

Oajválattja sjaddi diededit jur gudi álmugis galggi tablehtajt válldet jus sjaddá atomsårme.

Huom! Jodtablehta atomsármij diehti ælla jod biebbmolasádus. Jus dárbaaha bæjválasj jod biebbmolasádusáv duola degu danen gå la iesselissan, de gatjáda apotiehkan.



Man ednagav galggá váldet: Jodix (130 mg)?

Gájka badjel 12 jage, dán gut la iesselissan jali njamádime: 1 tablæhtta (= 130 mg)

Tablehtav njiela edna tjátjijn jali ietjá juhkusijn.

Máná 3–12 jage: ½ tablæhtta (= 65 mg)

Juoge Jodix-tablehtav guoktáj. Vatte mánnáj avtav ½-oasev. Tablehtav njiellá edna tjátjijn jali ietjá juhkusijn. Dárbo milta máhtta dav duggit jali tjátje sisi segadit. Vatte edna tjátjev maŋŋela.

Máná 1 mánnusaj–3 jage: ¼ tablett (= 32,5 mg)

Juoge Jodix-tablehtav nælljáj. Akta ¼-oasse duggiduvvá jali smájvviduvvá ja bastijn vatteduvvá gadsat yoghurtajn, syltaj jali muodugasj biebmoj, jali tjátjijn segaduvvá. Gå tjátjijn segada: Bieja avtav ¼-oasev glássaj, duoddista vehi tjátjes ja fierrola birrusij 2 minuhta. Dibde mánáv dáv juhkat. Vatte edna tjátjev maŋŋela.

Njuorak máná gudi ælla mánov dævdám: 1/8 tablæhtta (= 16,25 mg) segaduvvam juhkusij

1. Juoge Jodix-tablehtav nælljáj.
2. Bieja ¼-oasev glássaj.
3. Bieja 5 ml tjátjes glássaj. Ane tsirgunav mihttitjit (jus dujna ij la tsirgun, bieja 2 bastitja tjátjes). Fierrola 2 minuhta, tablæhtta ij állu smájvvána, valla ij dat mejdik dagá.
4. Njuorak máná galggá oadtjot dássju lahkev: Njamá 2,5 ml juhkusis tsirgunijn (jus dujna ij la tsirgun, dievde bastitjav tjátjes) ja vatte dássju dáv mánnáj. Bálkesta dav mij báhtsá.
5. Vatte mánnáj edna juhkusav maŋŋela. Vædtsagijt majt dárba: Tsirgunijt apotiekan oastá, jali ane bastitjav.

Mánáj vattá sæmme ednagav vájku dal máná njamát jali ij. Dábálettat ij la dárbo mánáj dákta lunná manna guoradallat gå la vaddám jod, valla jus iehpeda máná varresvuoda dilev de galgá dákta lunná mannat. Danen gå la vehi alep riska vuollegis stoaffamålssomij njuorak mánáj (0-1 mánok) gut la jodtablehtav oadtjum. Jus máná le prematuralattjat riegádum, de dábálettat ij la oajvvadum mánáj vaddet jodtablehtajt ávdđál máná le vássám 37. iesselisvuodavahkov.

Ale jodtablehtajt bára:

- Jus dujna le allergiddja kaliumjodida vuosstij jali dálkkasa nuppe sisadnoábnasij vuosstij (listav gávna páhkketjuovvusin)

Sij gudi galggi jodtablehtajt bárrát, valla galggi dákta lunná mannat dan maŋŋáj

- Jus dujna le ábnasmålssomskihpudahka de galga duodastit ábnasmålssomátsáldusáj 6-12 vahko dan maŋŋáj gå le dálkkasav váldám.
- Jus le iesselissan ja dujna li ábnasmålssomskihpudahka de galga ábnasmålssomav iesselisvuodan tjuovvot, vuostasj bále guokta vahko maŋŋáj.
- Jus dujna le dermatitis herpetiformis (Duhrings sykdom) de lijkkeskihpuadahka sájtij luluj værránit gå la jodtablehtav bárrám, ja duv dálkudiddje máhtta hiebadit dálkudimev.

Li gus dujna gatjálvisá jodtablehtaj birra? Gehtja www.dsa.no. Dáppe gávna aj diedoijt moatte gielajda.